

Nikaah Buusu-Lakk.4

Description

Jireenya keessatti wantoota gurguddaa garmalee nama gaddisisaan keessaa tokko abbaan manaati fi haati manaa wal hiikudha. Yommuu wal hiikan rakkoon baayâ€™een ni dhalata. Ijoollen ni bittinnaaâ€™u, dubartiin ni rakkatti, dhiirris jireenya gammachuu hin qabne jiraata. Kanaafu, wal hiikun wantuma akka salphaatti ilaallamu taâ€™uu hin qabu. Dhiirri yommuu dallanu, nikaah buusuu arraba isaa dheerresu irraa of quachuu qaba. Eeti, garmalee itti yaade fi toofaan rakkoo isaa fi niiti isaa jidduu jiru itti furan yoo dhabame, yoosan gara nikaah buusutti tarkaanfachu dandaâ€™a. Dubartiinis yommuu dallantu, â€œnikaah narraa buusiâ€¢jechuun itti iyyuu hin qabdu. Yooakkana goote boodarra garmalee gaabbiti. Kanaafu, nikaah buusun akka filannoo fi furmaata dhumaatti ilaallamu qabaa malee akka filannoo fi furmaata jalqabaatti ilaallamu hin qabu. Nikaah buusun furmaata dhuma erga taâ€™e, adeemsa qaba.

Kutaa darbe keessatti nikaah buusu deebifamuu dandaâ€™uu fi addaan bahiinsa ilaalle turre.

Yaadachisaaf, **nikaah buusu deebifamu dandaâ€™ujechuun** dhiirri niiti isaa yeroo tokkoffaaf ykn lamaffaaf yoo hiike, iddaan (yeroon turtii) ishii xumuramuun dura nikaah haarawa osoo hin godhin deebifachuun kan dandaâ€™udha. **Addaan bahiinsa** yommuu jennu immoo sababa iddaan dhumateen ykn sababa biraatin hariroon niiti fi dhiirsa jidduu jiruu guutumaan guututti cituudha. Yeroo sadaffaaf yoo hin hiikin dubartii guutumatti addaan bahan deebifachu yoo barbaade, nikaah haarawa hidhachuu fi mahrii haarawa kennuufi qaba. Yeroo sadaffaaf yoo hiike immoo ishiin nama biraatti heerumu qabdi. Erga nama san irraa addaan baate, inni haala haarawaan ishii fuudhu dandaâ€™a. Harâ€™as itti fufuun nikaah buusu gosa biraa ilaalla:

Jechoota ijoo:

Iddaa jechuun dubartiin takka erga hiikkamte ykn dhiirsi irraa duâ€™ee boodayeroo **turtii** ishiin turtuudha.

Heeydi-laguu

Sunnaah-karaa Nabiyyii (SAW)

Bidâ€™aa-wanta haarawa amantii keessatti uumamee ykn wanta sunnaah Nabiyyii (SAW) faalleessu

Nikaah Buusu Sunnaah fi Bidâ€™aa

Akkaataa nikeenyi itti buâ€™u irratti hundaaâ€™e nikaah buusun bakka lamatti qoodama: Nikaah buusu Sunnah fi bidâ€™a.

1-Nikaah buusu sunnaah

Nikaah buusu sunnaah jechuun nikaah buusu shariâ€™aa waliin deemu fi akkaata shariâ€™aan hayyamuun kan raawwatamuudha. Nikaah buusu sunnaah yommuu jedhamu nikaah buusun jaallatamaadha jechuu osoo hin taâ€™in akkaata shariâ€™aan hayyameen kan buâ€™uudha. Shariâ€™aan yeroo fi lakkoofsa nikaaha itti buusun haala kanaan hayyama:

Tokkoffaa- Dubartiin tan heeydi argituu fi waliin jiraatan yoo taate, heeydi irraa erga qulqullooftee fi qulqullumma kana keessatti kan ishii waliin qunnamtii hin raawwanne taate nikaah irraa buusu qaba.

Kanaafu, dubartii heeydi argituu fi waliin jiraatan yoo taate, nikaah buusun sunnaah kan taâ€™u ulaagalee (sharxiwwan) kanniin guutuu qaba:

1-Qulqullummaa ishii keessatti hiiku. Osoo ishiin marsaa laguu ykn nifaasa keessa jirtuu nikaah irraa buusu hin qabu. Nifaasa jechuun daâ€™uumsa booda hanga guyyaa afurtama yeroo dubartiin itti turtuudha. Kanaafu, dhiirri niiti isaa irraa nikaah buusu yoo barbaade, hanga ishiin laguu ykn nifaasa irraa qulqullooftu eegu qaba.

2â€“ **Ishii hiikun dura qulqullummaa ishii kana keessatti wal-qunnamti saalaa raawwachu dhiisu** â€“ Ishiin heeydi (laguu) irraa erga qulqulloofte booda wal-qunnamti saalaa ishii waliin raawwachuuun ergasii nikaah irraa buusu hin qabu. Kanaafu, dhiirri niiti isaa irraa nikaah buusu yoo barbaade, hanga ishiin heeydi ykn nifaasa irraa qulqullooftu eegu qaba. San booda erga ishiin qulqullooftee booda qunnamti saalaa ishii waliin raawwachuuun dura, â€œNikaah siraa buuseâ€¢jechuuni dandaâ€™a. Ragaaleen kanaa kana fakkaatu. Rabbiin Oltaâ€™aan ni jedha:

لَتَبْيَأُ إِذَا طَلَقْتُمُ النِّسَاءَ فَطَلِّقُوهُنَّ لِعِدَّتِهِنَّ وَأَحْصُوا الْعِدَّةَ وَاتَّقُوا اللَّهَ رَبَّكُمْ
رَهْنَ مِنْ بُيُوتِهِنَّ وَلَا يَخْرُجْنَ إِلَّا أَنْ يَأْتِينَ بِفَحِشَةٍ مُّبِينَةٍ وَتِلْكَ حُدُودُ اللَّهِ
حُدُودَ اللَّهِ فَقَدْ ظَلَمَ نَفْسَهُ وَلَا تَدْرِي لَعَلَّ اللَّهَ يُحِدِّثُ بَعْدَ ذَلِكَ أَمْرًا

â€œYaa Nabiyyicha! Yeroo dubartoota hiiktan, iddaa isaaniitiin isaan hiikaa, iddaas lakkaâ€™aa. Rabbii Gooftaa keessan taâ€™es sodaadhaa. Yoo gocha fokkataa ifa taâ€™een dhufan malee manneen isaanii keessaa isaan hin baasinaa; isaaniis akka hin baane. Sun daangaawwan Rabbiiti. Namni daangaawwan Rabbii darbe, dhugumatti inni lubbuu ofii miidhee jira. Yoo tasa Rabbiin san booda dhimma haarawa uume hin beektu.â€¢ Suuratu Ax-Xalaaq 65:1

Sababa amansiisaa taâ€™een dubartoota hiiku yommuu barbaaddan, **iddaa isaaniitiin** isaan hiikaa. Kana jechuun ishiin laguu irraa qulqulluu fi kan dhiirsi ishii hin qunnamne taatee osoo jirtuu ishii hiikaa. Namni niiti isaa irraa nikaah buusu yoo barbaade, heeydi irraa ishiin qulqulluu taâ€™uu ni mirkanefata. Ergasii inni ishii waliin qunnamti saalaa hin raawwatu. San booda nikaah ishii irraa ni buusa. Ergasii iddaa (yeroo turtii) ishii ni lakkaawwatti.

Abdullah ibn Umar ni jedha, â€œGadaa Rasuulaa (SAW) ani haadha manaa tiyya osoo ishiin heeydi (marsaa laguu) keessa jirtuu hooke. Waaâ€™ee kanaa ilaachisee [abbaan kiyya] Umar, Nabiyyii (SAW) itti hime. Nabiyyiiniis (SAW) Umariin ni jedhan, â€œAkka ishii deebisuu isa ajaji. Hanga ishiin qulqullooftu haa dhiisu. Ergasii heeydi biraa haa argituu. Yeroo ishiin qulqulloofte, ishii waliin qunnamti raawwachuuun dura ishii haa hiiku yookiin ishii haa qabatu. Suni iddaa Rabbiin dubartiin akka itti hiikkamtu ajajeedha.â€¢ [Sahih Muslim 1471](#), Sahih Al-Bukhaari 5252

Heeydi lammataatiif eeguun jaallatamaadha, dirqamaa miti. â€œNamni osoo niitin isaa heeydi keessa jirtuu nikaah yoo irraa buuse, hiikkaan kuni hojii irra ni oola moo hin oolu?â€¢ gaafi jedhu ilaachisee

aalimman (hayyoota Islaamaa) jidduu garaagarummaa ilaalchaatu jira. Harki caalaan aalimmanii â€œHojii irra ni oola. kana jechuun ishiin ni hiikkamti.â€ jedhu. Kan hafan immoo â€œHojii irra hin oolu. Heeydi irraa erga qulqulloofte booda nikaah irraa buusu qaba.â€ jedhu. Garuu gareen lamaanu, yeroo heeydi nikaah buusun haraama akka taâ€™e irratti wali galu. Kanaafu, namni yeroo dubartiin heeydi keessa jirtu nikaah irraa buusu irraa of eeggachu qaba.

Lamaffaaâ€“ Dubartii nikaah hidhatee yoo ishiitti hin seenin, kana jechuun qunnamti saalaa yoo hin raawwatin, yeroo heeydi yoo nikaah irraa buuse homaa rakkoo hin qabu. Yeroo fedhetti nikaah irraa buusu dandaâ€™a. sababni isaas, iddaan ishiin lakkaawwattu hin jiru. Ragaan kanaa, Qurâ€™aana keessatti:

â€œ**Yaa warra amantan! Yeroo dubartoota muâ€™mina fuutanii sana booda osoo qunnamtii hin raawwatin isaan hiiktan, iddaan (yeroon turtii) isin isaan irratti lakkaawwattan isiniif hin jiru. Isaan qananiisaa, gadi dhiisuu bareedaas isaan gadi dhiisaa.**â€ Suuratu Al-Ahzaab 33:49

Sadaffaaâ€“ Haaluma kanaan dubartii heeydi hin argine, tan akka dubartii guddoo marsaan laguu dhaabbate, yeroo fedhe hiiku dandaâ€™a. Sababni isaas, dubartoonniakkanaa iddaa isaanii heeydin kan lakkaawatan osoo hin taâ€™in jiâ€™aan lakkaawatu. Iddaan dubarti heeydi hin arginee ykn dhaabdee jiâ€™a sadii. Yommuu jechi nikaah buusu dubbatamu, guyyaa san irraa jalqabe jiiyni sadii ni lakkaawama.

Afraffaa-Dubartii ulfaa ulfi ishii beekkames yeroo fedhetti hiiku dandaâ€™a. Ulfi ishii ifa waan taâ€™eef wanti irraa shakkamu hin jiru. Yeroo fedhetti jecha nikaah buusu ni dubbata. Ergasii iddaan ishii hanga deessu taâ€™a. Iddaan ishii hanga deessu waan taâ€™eef dhiirsi manaa ishii baasu hin qabu. Aayah armaan oli suuratu xalaaq ilaali.

Lakkoofsa Nikaah Buusu

Akka nikaah buusu sunnaatti namni yommuu niiti isaa hiiku, siâ€™a tokko jecha nikaah buusu dubbachuu qaba. Yeroo tokkotti siâ€™a sadii jecha nikaah buusu dubbachuu wanta sunnah faallessudha. Fkn, yeroo tokko fi taaâ€™umsa tokko keessatti siâ€™a sadii â€œNikaah sirraa buuse, nikaah sirraa buuse, nikaah sirraa buuseâ€ jechuun hin qabu. Kana irra, siâ€™a tokko nikaah sirraa buuse jechuun ergasii calâ€™isuu qaba.

Nikaah Buusu Bidâ€™aa

Nikaah buusun bidâ€™aa wanta shariâ€™aa faallessuudha. Kunis karaa sadii taâ€™a. 1ffaa- dubartii itti seenanii fi waliin jiraatan tan heeydi argituu yoo taate, osoo ishiin heeydi keessa jirtuu hiiku. 2ffaa- Erga ishiin qulqulloofte booda ishii waliin qunnamti saalaa raawwachuu ergasii nikaah irraa buusu. 3ffaa- Yeroo fi taaâ€™umsa tokko keessatti siâ€™a sadii nikaah buusu. Fakkeenyaf, akkana jechuu: â€œNikaah sirraa buuse, nikaah sirraa buuse, nikaah sirraa buuseâ€ ykn, â€œati siâ€™a sadii hiikkamte.â€ Haalonni armaan olii sadan kunniin wanta dhoowwamanii fi namni kana hojjatu cubbuu (dilii) hojjataa jira.

Maaliif Heeydi keessa Nikaah Buusun Dhoowwamee?

Sababni heeydi keessa nikaah buusun itti dhoowwameef haala kanaan ibsuun ni dandaâ€™ama: Yeroo heeydi haalli abbaan manaati fi haati manaa ni jijirama. Walitti dhiyeenyi fi wal jaalalli isaan yeroo dubartiin qulqulluu taatu fi yeroo ishiin heeydi keessa jirtu wal qixaa miti. Heeydin azaa (rakkisaa)

waan taâ€™eef yeroo san keessatti dhimmootatti yaadu fi madaalun yeroo dubartiin qulqulluu itti taatu caalaa ni ulfaata.

Dhiirri wanta yeroo qulqullummaa dubartii irraa argatu yeroo heeydi hin argatu. Sababa kanaan, ishii dhiisu fi gara ishii hiikutti tarkaanfachuu dandaâ€™a.

Dubartiin immoo sababa heeyditiin bakka dhiigaa waliin waan kooâ€™omtuuf yeroo baayâ€™ee gara abbaa manaa dhiyaachu hin barbaaddu. Heeydin haala dhibee amalli dubartii itti jijjiramuun jechoonni fi hojiwwan badaan abbaa manaa ishii dallansiisuu irraa argamuu kan dandaâ€™aniidha. Sababa kanaan, inni ishii hiikuuf tarkaanafachu dandaâ€™a. Heeydin azaa (rakkisaa) waan taâ€™eef dubartii ni dhukkubsa, ni rakkisa. Sababa kanaan amalli ishii jijjiramuun wanti badaan irraa mulâ€™achuu dandaâ€™a, yaadota madaalun itti ulfaata.

Sababoota kanniin irraa kan kaâ€™ee Rabbiin subhaanahu wa taâ€™aalaa yeroo heeydi dubartii nikaah irraa buusu haraama godhe.

Sababni bira yeroo heeydi nikaah buusun dhoowwameef, yeroon iddaa akka hin dheeranne taasisuun dubartii irraa zulmii (miidhaa) kaasufi. Sababni isaas, yeroo heeydi yoo hiikkamte, heeydi itti hiikkamte kana akka iddaatti hin lakkaawwattu. Heeydi itti aanu sadii lakkaawwachu qabdi. Kuni immoo yeroo iddaa marsaa laguu sadii osoo hin taâ€™in afur taasisa. Kuni ajaja Rabbii faallessuudha. Rabbiin subhaanahu wa taâ€™aalaa iddaa dubartii heeydi argitu marsaa sadii taasise. Dubartiin heeydi irraa qulqulluu taate yoo hiikkamte, iddaan ishii marsaa sadii taâ€™a. Garuu heeydi keessa yoo taatee hiikkamte, marsaa afur taâ€™a. Kanaafi, heeydi keessa nikaah buusun dhoowwame.

Maaliif Yeroo Qulqullummaa lamaan isaanii qunnamti raawwattan keessa hiikun dhoowwamee?

A)-Osso dhiiraaf yeroo dubartiin itti qulqullooftee san qunnamti ishii waliin erga raawwate booda akka hiiku hayyamameefi tarrii isa irraa ilma ulfaaâ€™u dandeessi. San booda inni garmalee gaabba, gadda. Sababa nikaah buusun isaan lamaan jidduutti diinummaa fi jibba uumeef ishii deebifachuu hin dandaâ€™u. Kanaafu, yeroo qulqullummaa ishii waliin qunnamti raawwatetti ishii hiiku dhiisun badii kana hundarra isa baraara.

B)-Yeroo baayâ€™ee dhiirsaa fi niitin yeroo ishiin qulqullooftu, wal-qunnamuuf garmalee dharraâ€™u. Sababa kanaan, ishii qunnamuuf nikaah buusu irraa ni deebiâ€™a. Dubartiinis sossobuu fi miidhagsuu cimaan isa hawwisisuun yaada nikaah buusu harkaa buusu dandeessi. Sababa kanaan isaan lamaan jidduutti araaramni fi wal-taâ€™iinsi ni uumama.

C)-Haajaa ofii erga fixate ishii hiikun amanamumma, amala gaarii fi naamusa irraa miti. Nama tokko itti fayyadamaa baayanii yeroo haajaa ofii fixatan ariâ€™uun amala gaarii irraayyi???

D)-Yeroo baayâ€™ee dhiirsaa fi niitin fedhii foonii erga xumuratanii (qunnamti raawwatani) booda lamaan isaanitu walirraa garagalu. Sababa kanaan, Rabbiin subhaanahu wa taâ€™aalaa qunnamti booda nikaah buusu ni dhoowwe. Tarrii osso sababa wal-qunnamu dhiisaniin yaada nikaah buusu irraa deebiâ€™uun walitti araaramuu fi waliin jiraachuu itti fufuu dandaâ€™u.

E)-Ammas yeroo qulqullummaa qunnamti itti raawwatan keessatti nikaah buusun, iddaa ishii dheeressa. Hamma Rabbiin ajaje caalaa iddaa dheeressuun immoo ajaja Isaa faallessuudha.

Dhugumatti kuni hundii seera haqummaa irratti gadi dhaabbatee fi rakkoo baayâ€™ee hanbisuudha. Osoo jaarsaa fi jaartiin karaa kana hordofanii silaa wal hiikuun haala baayâ€™ee dhiphaa taâ€™eetti ni gabaabbataa ture.

Kitaaba Nikah buusu buusuf: <https://islaama.files.wordpress.com/2020/01/nikah-buusu.pdf>

Kitaabban Wabii:

al-Fiqhul Waadil â€“ Jiildi 2-fuula 108-110, Dr.Muhammad Bakr Ismaâ€™il

Sahih Fiqhu Sunnaah -Jiildi 3 -fuula 290-296, Abu Maalik

Date Created

April 9, 2019

Author

admin